

Il nov CEO da la BCG Daniel Fust metta accents

La strategia da la BCG ed il giubileum sut l'ensaina da la persistenza

Cuira, ils 26 da settember 2019 – Tar la Banca Chantunala Grischuna (BCG) cumenza ina nova èra. Il CEO da la BCG Daniel Fust ha preschentà oz a la conferenza da medias per l'emprima giada co ch'el vul manar la banca en l'avegnir. Alura ha el infurmà davart emprimas activitads per il giubileum dal 2020 cun il tema «Metter accents persistents per l'avegnir». Per la banca valan fatgs empè da parolas.

Daniel Fust surpiglia per il 1. d'october 2019 sco nov CEO il timun da la Banca Chantunala Grischuna. A medem temp lantscha la banca las activitads per il giubileum da 150 onns per l'onn vegnint. «Nus ans legrain da metter accents persistents cun la banca e cun il giubileum da la BCG sut la direcziun da Daniel Fust», ha ditg il president da banca Peter Fanconi ed ha giavischà al nov CEO bun success, blera forza e perseveranza per ses cumenzament. Ins mantegna la strategia cumprovada, ha ditg Fanconi, i dovria però era novs accents per che la banca possa avair success er en l'avegnir.

In focus pli ferm sin la persistenza e la flexibilitad

«In success da blers onns furma ina buna situaziun da partenza, el na dastga però betg avair per consequenza ch'il basegn da far midadas vegn sutstimà», ha introduci il nov CEO Daniel Fust sia vista areguard il svilup futur da la Banca Chantunala Grischuna. Ils midaments actuals sajan ina sfida per l'entir sector da bancas. Mo quels che chapeschian en tge direcziun ch'ils basegns fisics, digitalis e mentalis da la clientella giajan, possa avair success, ha ditg Fust. «La cumpetenza da digitalisar e cussegliar èn daditg factors da success. La gronda sfida è a noss avis dentant l'ulteriur svilup strategic persistent da la banca che permetta er a las generaziuns futuras dad esser loschas da la BCG», ha ditg il president da banca Peter Fanconi ord vista strategica. Daniel Fust vegn damai ad orientar da nov il 2020 l'entira paletta da products d'investiziun tenor criteris da la persistenza. Per decisiuns d'investiziun vegnan resguardads en l'avegnir criteris che pertutgan l'ambient, ils fatgs socials e la gestiun d'interpresa (criteris ESG). La direcziun da la banca è persvasa che la BCG contribuescha uschia sia part ad in mund pli persistent. En pli èn criteris che promovon in svilup persistent en l'avegnir indispensabels sco factors da rendita en il portfolio.

Ultra da quai investeschan ils responsabels en la flexibilitad da la banca. Dumandads èn simplificaziuns organisatoricas e novs models da collavuraziun cun partenaris interns ed externs. Fust pretenda da flexibilisar las structuradas ed ils process interns e sa focussescha sin structuradas da raits agilas, là nua che l'ierarchia classica retardescha ils andaments. En quest senn vegnan actualmain svilupadas vinavant era la visiun e la metodica strategica da la banca. In emprim segn ha la banca mess il settember cun concepì da nov l'unitad da fatschenta «Digital Banking & Services» sut la direcziun dal commember da direcziun Enrico Lardelli. Cun la nova orientaziun concentrescha la banca las resursas dal manaschi ed augmenta lur forza per ulteriur svilup ed innovaziun. «En vista a la mancanza da persunal qualifitgà prognostitgada per tut la Svizra e la midada da generaziuns en il martgà da lavur, ans occupain nus gia da l'attractivitat sco patruna ch'è decisiva per il success da damaun», ha confermà Fust. Collavuraturas e collavuratur cumpetents sajan decisivs per la qualitat, la cuntinuitad e la fidadad da la banca ed ina premissa per in'auta confidenza en la BCG. La vista dal concern gudogna considerond las participaziuns a Turitg adina dapli muntada, la basa strategica saja e restia dentant l'attaschadad cun il Grischun sco spazi economic e spazi da viver.

Il giubileo da la BCG cun l'accent principal «aua»

L'onn proxim festivescha la BCG ses giubileo da 150 onns. La banca vul metter accents per l'avegnir cun prender per mauns projects che han effect era suenter l'onn da giubileo e che servan a las generaziuns futuras. Daniel Fust ha preschentà ils emprims projects. In accent principal è l'elixier da la vita «aua» e sia circulaziun. Nua che la circulaziun da l'aua perda l'equiliber, sa resultan sfidas per l'uman. Il Grischun è sez confruntà cun il regress dals glatschers che tutga e pertutga tut il mund. L'existenza dad umans en bleras regiuns dal mund è adina pli dependenta da l'aua da glatschers situads en lur vischinanza. Qua vul la BCG contribuir sia part cun investir en la perscrutaziun e la sensibilisaziun per il tema. Uschia ha la BCG gia finanzià il studi preliminar per il project grischun [«MortAlive»](#) sut la direcziun da l'innovatur e glaziolog dr. Felix Keller da l'Academia Engiadina Samedan e da la scola auta spezialisada dal Grischun a Cuir. Cun in project reussì pudess ins metter signals persistents lunsch sur ils cunfins grischuns ora. Per sensibilisar ed infurmar la vasta populaziun planisescha la BCG in center da visitaders attractiv davart il tema «glatschers en il Grischun» che duess attrair giasts da dalunsch e damanaivel. Dapli infurmaziuns davart quest center datti en il decurs dal 2020. Ultra da quai sustegna la BCG per trais onns il project [Climaqua-Fond](#) da las Allegra Passugger Mineralquellen AG. Durant l'onn da giubileo 2020 va cun la vendita da mintga aua minerala en ina buttiglia da vaider ina contribuziun en favur dal Climaqua-Fond. Cun il fond vegnan sustegnids projects svizzers persistents en favur da la protecziun da l'aua ubain dal clima.

Nov posiziunament dal fond da start-up Innozet

In ulteriur accent metta la BCG en il sector da la promoziun da start-ups: la fundaziun Innozet per la promoziun ed il sustegn d'interpresas giuvnas innovativas vegn posiziunada da nov grazia ad in sustegn dad en total CHF 5 miu. da la BCG e da la firma TRUMPF Schweiz AG Gräsch. Promovidas vegnan interpresas grischunas fundadas da nov (start-ups) cun il focus tecnologia e turissem che han sviluppà in'idea da fatschenta plausibla e realisabla. Lur finamira sto esser da fundar plazzas da lavur en il Grischun e da rinforzar l'economia locala. Preferidas vegnan interpresas cun ina gronda forza innovativa ubain in grond potenzial da valur agiuntada en il rom d'in model da fatschenta che s'orientescha a l'avegnir.

In engaschi spezial durant l'onn da giubileo

Era durant l'onn da giubileo s'engascha la BCG vastamain per projects d'util public da la cultura, dal sport, dal champ social e da l'economia/turissem. Cun [BCG FORZA](#) pon en spezial projects persistents ubain projects cun in grond util per la publicitad vegnir sustegnids anc pli fitg. En pli vegn la banca ad amplifitgar il program da lavur voluntara BCG. In accent spezial metta la BCG sin il tema da la promoziun da musica. La banca permetta da crear la nova plattafurma www.graubuendenmusik.ch che duai sustegnair e gidar da commercialisar a moda surregionala musicistas e musicists grischuns da tut las direcziuns da stil. La musica dal Grischun che vegn savens stutimada sin plaun naziunal duai pudair fitgar pe en Svizra ed a l'exteriur. La purtadra da questa plattafurma ed il post administrativ è l'Uniun Musica dal Grischun ch'è vegnida creada aposta per quest intent.

Ulteriurs projects lantscha e communitgescha la BCG durant l'onn da giubileo. Tut las infurmaziuns davart il giubileo chattais Vus sut gkb2020.ch.

Contact per ils collavuratur e medias e per investurs:

Banca Chantunala Grischuna, Medias & Investor Relations, chascha postala, 7001 Cuir

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 999 collavuratur e collavuratur (stadi dals 30-06-2019). En il chantun Grischun cun sias numerus vals e pliras linguas, è l'interpresa represchentada cun 52 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaint semestral preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2019: 7 da favrer 2020

Radunanza dals participants: 25 d'avrigl 2020
